

Alver kommune
Kulturkontoret v/Sigrid Fivelstad

7. mars 2022

Ang uttale på «Prioritering av spelemidler til kulturbygg i Vestland» for 2022

Prioritet 1 - Alversund barneskule – kulturbygg, kommentar:

Det lokale kulturbygget i samband med nye Alversund barneskule er eit lenge etterlengta tilbod for området. Alver kulturråd er nøgd med vurderingane som er tatt i høve Alversund som eit folkerikt område kor det vil vere viktig å leggje til rette for møteplass med mange funksjonar.

Det nye bygget er ei stor investering for kommunen og Alver kulturråd vil åtvare mot at dei mange, gode funksjonane i den nye tilbodet blir prisa så høgt at det frivillige kulturlivet ikkje ser seg råd å nytte det.

Prioritet 2 - Lyngheisenteret – kulturbygg, kommentar:

Ei oppgradering av Lyngheisenteret passer godt i hop med måla i biosfæreprosjektet som kommunen er inne i. Og det er særst bra at det eksisterande tilbodet blir vidareutvikla framfor at nye prosjekt blir prioritert.

Alver kulturråd har ein samarbeidsavtale med politisk og administrativ leiing i Alver kommune, underskriven 18 aug 2020. I pkt 2 i denne avtalen er det eit mål at «avtalen skal vere med å sikre god ressursutnytting av offentlege midlar til kulturfeltet».

Vi meiner at prioriteringa av spelemidler til dette føremålet er godt vurdert og har difor ingen innvendingar til dei to forslaga som ligg føre.

Alver Kulturråd takkar for positivt samarbeid.

På vegne av styret i Alver kulturråd

A handwritten signature in black ink, appearing to read "Arild Hagenes".

Arild Hagenes

Styreleiar

A handwritten signature in black ink, appearing to read "Per Ole Ekker".

Per Ole Ekker

Sekretær